



UNIVERSITÄTS-
BIBLIOTHEK
PADERBORN

Jus Canonicum Ad Libros V. Decretalium Gregorii IX.

Huth, Adam

Augustæ Vindelicorum, 1732

9. Ne sede vacante aliquid innovetur

[urn:nbn:de:hbz:466:1-63433](https://nbn-resolving.org/urn:nbn:de:hbz:466:1-63433)

rarii cum expectatione futuræ præbendæ. c. 3. 12. 19. de Præb. c. 8. h. t.. Ratio, quia talis Canonici Præbendam expectaret ex dispositione juris, seu vi connexionis, quam habet Canon cum præbenda, is verò, qui gratiam expectandam habet, vi promissionis.

TITULUS IX.

Ne Sede vacante aliquid innovetur.

Q. 1. *Quomodo Rubrica hujus tituli combinanda sit cum illa juris regula, quòd ad Capitulum Sede vacante transeat jurisdictio Episcopi, ut habetur in c. 11. & 14. de Majorit? Resp.* Engel, Schmalzgr. & AA. communiter ajunt, illa quæ competunt Episcopo jure ordinario & tantquam Episcopo, censi omnia Sede vacante Capitulo esse permiffa; adeoque in his obtinetur regulam *ex cit. cap.* desumptam; illa verò censi negata Capitulo Sede vacante, quæ competunt Episcopo jure speciali, ex privilegio, commissione, vel ut Sedis Apostolicæ delegati, adeoque in istis casibus subintrare rubr. hujus. Ubi & illud notandum, intelligi hic per *Sedem vacantem* non Ecclesiam modò Cathedralè vel Collegiatam, sed etiam Regularem Capitulum habentem suo Antistite destitutam; quod fieri potest dupliciter, vel verè, quando Ecclesia nullum habet Prælatum; vel *interpretativè*, quando quidem habet Prælatum, sed suspensum, excom-

muni.

municatum, aut captum ab hostibus, &c. Pichl.

b. t. n. 1.

Q. 2. *Qua in specie non possit Capitulum face-
re Sede vacante?* Resp. 1. Non potest dispensare
vel absolvere in iis casibus, in quibus id specialiter
S. Pontifex Episcopo commiserat. 2. Non
potest dare licentiam ædificandi novum Mo-
nasterium, quia licentia constituit formam, quæ
erectioni novi Monasterii à Greg. XIII. præ-
scripta est, forma autem per quid æquipollens
suppleri non potest. 3. Non admittitur ad ele-
ctionem Regis Rom. etsi Archi-Episcopus, cujus
Sedes vacat, fuerit Elector. Ita Communior. 4.
Nec Sede Archi-Episcopali vacante, convocât
Concilium Provinciale; nec visitat Monasteria
Monialium exempta; nec contra Religiosos
exemptos procedit. Ratio, quia hæc omnia Epif-
copi faciunt jure extraordinario. Quid diversa
verborum formula, sub quâ Episcopis conceditur
facultas procedendi contra exemptos, operetur,
vide apud Engel *b. n. 2.* & superius ad Tit. 29. Q.
2. *Lib. 1. Decretal.*

Q. 3. *Qua possit Capitulum Sede vacante?*
Resp. 1. Potest condere statuta perpetua, etiam
super competentibus Episcopo ratione jurisdic-
tionis ordinariæ, & pertinentibus ad gubernationem
diocesis. 2. De causis quibuscunque
cognoscere, sive sint beneficiales, matrimoniales,
decimales, aut criminales. 3. Dispensare in
irregularitatibus, exceptâ eâ, quæ oritur ex ho-
micidio voluntario. 4. Approbare Sacerdotes
pro

pro excipiendis confessionibus: exigere ex
 & rationabili causâ subsidium charitativum; re
 re & absolvere à censuris. Verbo ea potest regu-
 lariter, quæ competunt Episcopo jure ordinari
 sive deinde sint jurisdictionis *contentiosa*, sive
cessariæ, sive *voluntaria*. Dico *regulariter*, quæ
 aliqua licet pertineant ad jurisdictionem Episcopi
 sunt expresse prohibita Capitulo Sede vacante
 qualia sunt, quæ vel in præjudicium Ecclesiæ, vel
 prælati successoris cedunt: sic non potest donare
 Jura Episcopatus; nec alienare bona ejus immo-
 bilia, aut mobilia pretiosa, quæ servando servare
 possunt; nec ea ad suam mensam transferre; nec
 emolumenta aliàs spectantia ad Episcopum
 etiamsi obveniant ratione jurisdictionis, inter se
 absumere, &c. Vide *Leur. in Vic. Ep. d. q. 44. c. 16.*
620. ubi totam hanc materiam fuse tractat. Vide
 etiam *Pichl. h. n. 7. & seq.* ubi, quid Capitulo
 Sede vacante possit circa beneficia Ecclesiastica
 & quid non possit. Universaliter id tenendum
 quod Capitulo Sede vacante jurisdictionem &
 administrationem ad se devolutam non per se
 sed per Vicarium tractare debeat, prout voluit
Trid. Sess. 24. c. 16. de ref.

*Q. 4. An potestas & Jurisdictio Prælati Sede
 vacante etiam transeat ad Conventus & Capitulum
 Regularium? Resp. Aff. saltem in his, quæ per-
 tinent ad disciplinam Regularem. c. fin. de Regu-
 laribus in 6. Quoad alia autem distingui debet inter
 Ecclesias Regulares; si enim sint pleno jure ex-
 emptæ, Capitulo, dum vacat Sedes, omnem
 ha-*

habebit jurisdictionem, quæ jure ordinario ipsius Prælati competebat. Pirh. tit. de Majorit. n. 58. Si verò non sint exempta tales Ecclesiæ, jurisdictione Sede vacante transit ad Episcopum. Pirh. l. cit. n. 59.

TITULUS X.

De his, quæ fiunt à Prælato sine consensu Capituli.

Q. 1. Quid intersit inter consensum & consilium Capituli? Resp. 1. Consensus Capituli hic est Comprobatio Capitularium legitimè congregatorum, quæ ratum habent, quod agit Prælati; Consilium est duntaxat sensus, non consensus, opinio tantum & non comprobatio circa ea, quæ fiunt à Prælato. Pichl. h. n. 2.

Resp. 2. Discrimen inter consensum & consilium est istud, quòd, qui facere quid debet cum alterius consensu, hunc non requirere tantum, sed etiam sequi debeat; e contra, cui præcisè quid agendum cum alterius consilio, illud quidem tenetur exquirere & debito tempore expectare, regulariter tamen necessariò sequi illud non debet. c. 52. de elect. c. 7. de arbitr. Passerin. in c. un. ne sed. vac. n. 46. enumerat casus quosdam, in quibus lex obligans ad petendum consilium, etiam obligat ad sequendum.

Q. 2. Quinam actus fieri debeant à Prælato cum consensu Capituli? Resp. In genere omnes ma-